



深齋中西先生口授

刪訂傷寒論

澄霞園藏



晉王叔和氏已來素靈之說盛行于
世。張仲景氏之論幾墜地也。尚矣。二
千載之下。我深齋先生崛起。而
東邦豁然眼目。開荆棘。通秦塞。芟
甚巖。全象始見矣。自非亞仲景氏之
杖。孰能如此哉。夫讀其書。無其眼。雖
多亦奚益。為衆盲。治家。聚燕石。我

有具眼。懷寶迷邦。人將謂之何。先生所以刪定之撰也。惟此撰也。雖便于檢閱。似過刻乎。義之所要。全存其次。刻焉。在芟公註釋。答問之繁。舊章者也。此則先生數十年。精靈之所鐘。非敢所苟且也。曩藤倉玄素還鄉之次。請刻之家。以倉卒之故。校正有缺。未輒

公行。孝謹校閱。剔抉幾盡。遂再命剞劂。金篦去膜。明如視火。嗚呼先生之於仲景氏也。千載且暮。千里比肩。有其實。過其名。惟先生為爾。姑言其精撰之盡善於此者。問來者如此。夫惟如此。庶可共戴先生之鑒裁也。已矣。

庚申孟秋

北勢千種德孝謹識



其實過其去... 於中景... 金... 阻... 再命...

刪訂傷寒論

深齋中西先生口述



陸奧... 藤倉永居玄素... 筆受

伊勢... 千種德孝子長... 授合

辨太陽病脉證并治法上... 林

太陽之為病脉浮頭項強痛而惡寒... 太陽病

發熱汗出惡風脉緩者名為中風... 太陽病或

已發熱或未發熱必惡寒體痛嘔逆脉陰陽俱

緊者名曰傷寒。○病有發熱惡寒者發於陽也。無熱惡寒者發於陰也。○太陽中風陽浮而陰弱陽浮者熱自發陰弱者汗自出。嗇嗇惡寒淅淅惡風翕翕發熱鼻鳴乾嘔者桂枝湯主之。桂枝湯方。桂枝三兩芍藥三兩甘草二兩生薑三兩大棗十二枚。右五味以水七升微火煮取三升去滓適寒溫服一升服已須臾歔熱稀粥一升餘以助藥力溫覆令一時許遍身皦皦。

微似有汗者益佳不可令如水流滴病必不除。若與服汗出病差停後服不必盡劑若不汗更服依前法又不汗後服當小促其間半日許令三服盡若病重者周時觀之服劑盡病證猶在者更作服若汗不出者乃服至二三劑禁生冷粘滑肉麪五辛酒酪臭惡等物。○太陽病頭痛發熱汗出惡風者桂枝湯主之。○太陽病項背強几几反汗出惡風者桂枝加葛根湯主之。

桂枝加葛根湯方於桂枝湯方中加葛根四兩
餘依桂枝湯法○太陽病三日發汗不解蒸蒸
發熱者屬胃也調胃承氣湯主之調胃承氣湯
方大黃四兩甘艸二兩芒硝半升右三味咬咀
以水三升煮取一升去滓內芒硝更上火微煮
令沸少少溫服○太陽病下之後其氣上衝者
可與桂枝湯方用前法若不上衝者不可與之
○太陽病二日已發汗若吐若下若溫鍼仍不

解者桂枝不中與也觀其脈證知犯何逆隨證
治之○桂枝本為解肌若其人脈浮緊發熱汗
不出者不可與也常須識此勿令誤也○太陽
病發汗遂漏不止其人惡風小便難四支微急
難以屈伸者桂枝加附子湯主之桂枝加附子
湯方於桂枝湯方中加附子一枚餘依桂枝湯
法○太陽病下之後脈促胸滿者桂枝去芍藥
湯主之若微惡寒者去芍藥方中加附子湯主

之桂枝去芍藥湯方、於桂枝湯方中、去芍藥、餘依桂枝湯法、桂枝去芍藥加附子湯方、於桂枝去芍藥湯方中、加附子一枚、餘依桂枝湯法。○太陽病、得之八九日、如瘧狀、發熱惡寒、熱多寒少、其人不嘔、清便欲自可、一日二三度發、脈微緩者、爲欲愈也、脈微而惡寒者、此陰陽俱虛、不可更發汗、更下、更吐也、面色反有熱色者、未欲解也、以其不能得小汗出、身必痒、宜桂枝麻黃

各半湯、桂枝麻黃各半湯方、桂枝二兩半芍藥二兩半甘艸二兩麻黃二兩半生薑一兩半大棗六枚杏仁三十五箇右七味、以水八升、先煮麻黃、一二沸、去上沫、內諸藥、煮取五升、去滓、分溫三服、餘依桂枝湯法。○太陽病、初服桂枝湯、反煩不解者、却與桂枝湯則愈。○服桂枝湯、大汗出、脈洪大者、與桂枝湯、如前法、若形如瘧、日再發者、汗出必解、宜桂枝二麻黃一湯、桂

枝二麻黃一湯方桂枝二兩半芍藥二兩生薑

二兩大棗八枚甘艸二兩麻黃一兩杏仁二十

三箇右七味咬咀以水八升先煮麻黃一二沸

去上沫內諸藥煮取三升去滓分溫三服餘依

桂枝湯法服桂枝湯大汗出後大煩渴不解

脉洪大者白虎加人參湯主之白虎加人參湯

方於白虎湯方中加人參三兩餘依白虎湯法

服桂枝湯或下之仍頭項強痛翁翁發熱無

汗心下滿微痛小便不利者桂枝去桂加茯苓

白朮湯主之桂枝去桂加茯苓白朮湯方於桂

枝湯方中去桂枝加茯苓白朮各三兩餘依桂

枝湯法小便利則愈太陽病發熱惡寒熱多

寒少脉微弱者此無陽也不可發汗宜桂枝

越婢湯桂枝二越婢一湯方桂枝二兩芍藥

二兩甘艸二兩麻黃二兩生薑三兩石膏二兩

半大棗十三枚右七味咬咀以水七升先煮麻

黃

黃、一二沸、去上沫、內諸藥、煮取三升、去滓、分溫
三服、餘依桂枝湯法。○傷寒、脈浮、自汗出、小便
數、心煩、微惡寒、脚攣急、反與桂枝湯、欲攻其表、
此誤也、得之便厥、咽中乾、煩躁吐逆者、作甘艸
乾薑湯與之、若厥愈足溫者、更作芍藥甘艸湯
與之、若胃氣不和、譫語者、少與調胃承氣湯、若
重發汗、復加燒鍼者、四逆湯主之、甘艸乾薑湯
方、甘艸四兩、乾薑二兩、右二味、㕮咀、以水三升、

煮取一升五合、去滓、分溫再服、芍藥甘艸湯方、
芍藥四兩、甘艸四兩、右二味、㕮咀、以水三升、煮
取一升半、去滓、分溫再服、四逆湯方、甘艸二兩、
乾薑一兩半、附子一枚、右三味、㕮咀、以水三升、
煮取一升二合、去滓、分溫再服、強人可大附子
一枚、乾薑三兩、

辨太陽病脈證并治法中

太陽病、項背強几几、無汗、惡風者、葛根湯主之、

葛根湯方 葛根 四兩 麻黃 三兩 桂枝 二兩 芍藥

二兩 甘草 二兩 生薑 三兩 大棗 十二枚 右七味 咬

咀以水一斗先煮麻黃葛根減二升去上沫內諸藥煮取三升去滓溫服一升覆取微似汗不須啜粥餘依桂枝法將息及禁忌 太陽與陽明合病者必自下利葛根湯主之 太陽與陽明合病不下利但嘔者葛根加半夏湯主之 葛根加半夏湯方於葛根湯方中加半夏半升餘依

桂枝湯法 太陽病桂枝證醫反下之利遂不

止脉促者表未解也喘而汗出者葛根黃連黃

芩湯主之葛根黃連黃芩湯方葛根半斤甘草

三兩黃芩三兩黃連三兩右四味以水八升先

煮葛根減二升內諸藥煮取二升去滓分溫再

服 太陽病頭痛發熱身疼腰痛骨節疼痛惡

風無汗而喘者麻黃湯主之麻黃湯方麻黃三

兩桂枝二兩甘草一兩杏仁七十個右四味以

水九升、先煮麻黃、減二升、去上沫、內諸藥、煮取二升半、去滓、溫服八合、覆取微似汗、不須啜粥、餘如桂枝法將息。○太陽與陽明合病、喘而胸滿者、不可下、宜麻黃湯主之。○太陽病十日、以去、脈浮細、而嗜臥者、外已解也、設胸滿脇痛者、與小柴胡湯、脈但浮者、與麻黃湯。○太陽中風、脈浮緊、發熱惡寒、身疼痛、不汗出而煩躁者、大青龍湯主之、若脈微弱、汗出惡風者、不可服、服

之則厥逆、筋惕肉瞤、此為逆也、大青龍湯方、麻黃六兩、桂枝二兩、甘草二兩、杏仁四十個、生薑三兩、大棗十二枚、石膏如雞子大、右七味、以水九升、先煮麻黃、減二升、去上沫、內諸藥、煮取三升、去滓、溫服一升、取微似汗、一服汗者、停後服。○傷寒、脈浮緩、身不疼、但重、乍有輕時、無少陰證者、大青龍湯發之。○傷寒、表不解、心下有水氣、乾嘔、發熱而咳、或渴、或利、或噓、或小便不利、

少腹滿、或喘者、小青龍湯主之。小青龍湯方：麻黃三兩、芍藥三兩、五味子半升、乾薑三兩、甘草三兩、桂枝三兩、半夏半升、細辛三兩、右八味、以水一斗、先煮麻黃、減二升、去上沫、內諸藥、煮取三升、去滓、溫服一升。○傷寒、心下有水氣、欬而微喘、發熱不渴、服湯已、渴者、此寒去、欲解也。小青龍湯主之。○太陽病、外證未解、脈浮弱者、當以汗解、宜桂枝湯。○太陽病、若吐、若下、若發汗、

微煩、小便數、大便因鞅者、與小承氣湯、和之愈。小承氣湯方：大黃四兩、厚朴二兩、枳實三枚、右三味、以水四升、煮取一升、分三服、溫再服。初服湯、當更衣、不爾者、盡飲之、若更衣者、勿服之。○太陽病、下之微喘者、表未解故也。桂枝加厚朴杏仁湯主之。桂枝加厚朴杏仁湯方：於桂枝湯方中、加厚朴三兩、杏仁五十箇、餘如桂枝法。○太陽病、外證未解者、不可下也。下之為

逆欲解外者宜桂枝湯主之。○太陽病先發汗不解而復下之脈浮者不愈浮爲在外而反下之故令不愈今脈浮故知在外當須解外則愈宜桂枝湯主之。○太陽病脈浮緊無汗發熱身疼痛八九日不解表證仍在此當發其汗服藥已微除其人發煩目暝劇者必衄衄乃解麻黃湯主之。○太陽病脈浮緊發熱身無汗自衄者愈。○傷寒脈浮緊不發汗因致衄者麻黃湯主之。

○病人藏無他病時發熱自汗出而不愈者先其時發汗則愈。○桂枝湯主之。○傷寒不大便六七日頭痛有熱者與承氣湯其小便清者知不在裏仍在表也當須發汗若頭痛者必衄宜桂枝湯。○傷寒發汗解半日許復煩脈浮數者可更發汗宜桂枝湯主之。○凡病若發汗若吐若下若亡津液陰陽自和者必自愈。○大下之後復發汗小便不利者亡津液故也勿治之得

小便利必自愈。○下之後復發汗，必振寒，脉微細，所以然者，以內外俱虛故也。○發汗病不解，反惡寒者，芍藥甘草附子湯主之。芍藥甘草附子湯方：芍藥三兩，甘草三兩，附子一枚，右三味，以水五升，煮取一升五合，去滓，分溫再服。○發汗若下之，病仍不解，煩躁者，茯苓四逆湯主之。茯苓四逆湯方：茯苓六兩，人參一兩，甘草二兩，乾薑一兩，附子一枚，右五味，以水五升，煮取二升，去滓，溫服，七合，日三服。○下之後復發汗，晝日煩躁，不得眠，夜而安靜，不嘔不渴，無表證，脉沉微，身無大熱者，乾薑附子湯主之。乾薑附子湯方：乾薑一兩，附子一枚，右二味，以水三升，煮取一升，去滓，頓服。○發汗過多，其人叉手自冒心，心下悸，欲得按者，桂枝甘草湯主之。桂枝甘草湯方：桂枝四兩，甘草二兩，右二味，以水三升，煮取一升，去滓，頓服。○發汗後身疼痛，脉沉遲

刊丁善集論

者新加湯主之新加湯方於桂枝湯方中加芍藥生薑各一兩人參三兩餘依桂枝法○發汗後其人臍下悸者欲作奔豚茯苓桂枝甘草大棗湯主之茯苓桂枝甘草大棗湯方茯苓半斤甘草三兩大棗^{十五枚}桂枝四兩右四味以甘爛水一斗先煮茯苓減二升內諸藥煮取三升去滓溫服一升日三服○發汗後腹脹滿者厚朴生薑甘草半夏人參湯主之厚朴生薑甘草半

夏人參湯方厚朴半斤生薑半斤半夏半升人參^{一兩}甘草^{二兩}右五味以水一斗煮取三升去滓溫服一升日三服○發汗後惡寒者虛故也不惡寒但熱者實也當和胃氣與調胃承氣湯○發汗後不可更行桂枝湯汗出而喘無大熱者麻黃杏仁甘草石膏湯主之麻黃杏仁甘草石膏湯方麻黃四兩杏仁^{五十箇}甘草二兩石膏半斤右四味以水七升先煮麻黃減二升去

上沫內諸藥者取二升去滓溫服一升○太陽
 病發汗汗出不解其人仍發熱心下悸頭眩身
 瞶動振振欲擗地者真武湯主之真武湯方茯
 苓三兩芍藥三兩生薑三兩白朮二兩附子一
 枚右五味以水八升者取三升去滓溫服七合
 日三服○傷寒若吐若下後心下逆滿氣上衝
 胸起則頭眩脈沉緊發汗則身為振振搖者茯
 苓桂枝白朮甘草湯主之茯苓桂枝白朮甘草

五苓散之
 銖兩大為可
 疑今無可攷
 照見前後方
 當如此因今
 改之銖兩猶
 可疑況且銖
 之半乎

湯方茯苓四兩桂枝三兩白朮二兩甘草二兩
 右四味以水六升者取三升去滓分溫三服○
 太陽病發汗後大汗出胃中乾煩躁不得眠欲
 得飲水者少少與飲之令胃氣和則愈若脈浮
 小便不利微熱消渴者與五苓散主之五苓散
 方猪苓三兩澤瀉五兩茯苓三兩桂枝一兩
 白朮三兩右五味為末以白飲和服方寸七日
 三服多飲煖水汗出愈○發汗已脈浮數煩渴

者五苓散主之。○病在陽應以汗解之。反以冷水灌之。若灌之其熱被劫不得去。彌更益煩。肉上粟起。意欲飲水。反不渴者。服文蛤散。若不差者。與五苓散。文蛤散方。文蛤五兩。右一味為散。以沸湯和一錢。七服。湯用五合。○傷寒汗出而渴者。五苓散主之。不渴者。茯苓甘草湯主之。茯苓甘草湯方。茯苓二兩。桂枝二兩。生薑二兩。甘草二兩。右四味。以水四升。煮取二升。去滓。分溫

三服。○中風發熱六七日。不解而煩。有表裏證。渴欲飲水。水入則吐者。名曰水逆。五苓散主之。○傷寒發汗吐下後。虛煩不得眠。若劇者。必反覆顛倒。心中懊憹。梔子豉湯主之。若少氣者。梔子甘草豉湯主之。若嘔者。梔子生薑豉湯主之。梔子豉湯方。梔子十四枚。香豉四合。右二味。以水四升。煮梔子得二升半。內豉。煮取一升半。去滓。分為二服。溫進一服。得吐者。止。後服。梔子甘草

四升下脫先字

豉湯方於梔子豉湯方中加甘草二兩餘如梔子豉湯法梔子生薑豉湯方於梔子豉湯方中加生薑五兩餘如梔子豉湯法○發汗若下之而煩熱胸中窒者梔子豉湯主之○傷寒五六日大下之後身熱不去心中結痛者未欲解也梔子豉湯主之○傷寒下後心煩腹滿臥起不安者梔子厚朴湯主之梔子厚朴湯方梔子十四枚厚朴四兩枳實四枚右三味以水三升半

煮取一升半去滓分二服溫進一服得吐者止後服○傷寒醫以丸藥大下之身熱不去微煩者梔子乾薑湯主之梔子乾薑湯方梔子十四枚乾薑二兩右二味以水三升半煮取一升半去滓分二服溫進一服得吐者止後服凡用梔子豉湯病人舊微瀉者不可與服之○傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯

救表宜桂枝湯、下利清穀、不可攻表、汗出必
脹滿、病發熱、頭痛、脈反沉、若不差、身體疼痛、
當救其裏、宜四逆湯、傷寒中風五六日、往來
寒熱、胸膈苦滿、默默不欲飲食、心煩喜嘔、或胸
中煩而不嘔、或渴、或腹中痛、或脇下痞鞭、或心
下悸、小便不利、或不渴、身有微熱、或欬者、與小
柴胡湯主之、小柴胡湯方、柴胡半斤、黃芩三兩、
人參三兩、甘草三兩、半夏半升、生薑三兩、大棗

十二枚、右七味、以水一斗二升、煮取六升、去滓、再
煎取五升、溫服一升、日三服、傷寒中風有柴
胡證、但見一證便是、不必悉具、食穀欲嘔者、
屬陽明也、吳茱萸湯主之、得湯反劇者、屬上焦
也、吳茱萸湯方、吳茱萸一升、人參三兩、生薑六
兩、大棗十二枚、右四味、以水七升、煮取二升、去滓、
溫服七合、日三服、傷寒四五日、身熱惡風、頸
項強、脇下滿、手足溫而渴者、小柴胡湯主之、

服柴胡湯已渴者屬陽明也以法治之○傷寒陽脈澀陰脈弦腹中急痛者法當先與小建中湯不差者與小柴胡湯主之小建中湯方桂枝三兩甘草三兩大棗十二枚芍藥六兩生薑五兩膠飴一升右六味以水七升煮取三升去滓內膠飴更上微火消解溫服一升日三服嘔家不可用建中湯○傷寒三三日心中悸而煩者小建中湯主之脈浮數者法當汗出而愈若下

之身重心悸者不可發汗當自汗出乃解○凡柴胡湯病證而下之若柴胡證不罷者復與柴胡湯必蒸蒸而振卻發熱汗出而解○太陽病十餘日反二三下之後四五日柴胡證仍在者先與小柴胡湯嘔不止心下急鬱鬱微煩者為未解也與大柴胡湯下之則愈大柴胡湯方柴胡半斤黃芩三兩芍藥三兩半夏半升生薑五兩枳實四枚大黃二兩大棗十二枚右八味以水

一斗二升者煮取六升去滓再煎取三升溫服一
升日二服。傷寒十餘日不解胸脇滿而嘔日
晡所發潮熱已而微利此本柴胡證下之而不
得利今反利者知醫以丸藥下之非其治也潮
熱者實也先宜小柴胡湯以解外後以柴胡加
芒硝湯主之柴胡加芒硝湯方於柴胡湯方中
加芒硝六兩餘如柴胡湯法。傷寒十餘日不
解譫語者以有熱也當以湯下之若小便利者

大便當鞭而反下利脈調和者知醫以丸藥下
之非其治也若自下利者脈當微厥今反和者
此為內實也調胃承氣湯主之。太陽病十餘
日心下溫溫欲吐而胸中痛大便反溏腹微滿
鬱鬱微煩先此時自極吐下者與調胃承氣湯
若不爾者不可與但欲嘔胸中痛微溏者此非
柴胡證也。傷寒八九日下之胸滿煩驚小便
不利譫語一身盡重不可轉側者柴胡龍骨牡

黃下脫更煮
二字

驚上脫必字

蠟湯主之柴胡龍骨牡蠣湯方半夏二合大棗
六枚柴胡四兩生薑一兩人參一兩龍骨一兩
鉛丹一兩桂枝一兩茯苓一兩大黃二兩牡蠣
一兩右十一味以水八升煮取四升內大黃一
二沸去滓溫服一升○傷寒脈浮醫以火迫劫
之驚狂起卧不安者救逆湯主之救逆湯方於
桂枝湯方中去芍藥加牡蠣五兩龍骨四兩蜀
漆三兩右七味為末以水一斗二升先煮蜀漆

減三升內諸藥者取三升去滓溫服一升○燒
鍼令其汗鍼處被寒核起而赤者必發奔豚與
桂枝加桂湯桂枝加桂湯方於桂枝湯方中更
加桂二兩餘如桂枝湯法○火逆下之因燒鍼
煩躁者桂枝甘草龍骨牡蠣湯主之桂枝甘草
龍骨牡蠣湯方桂枝一兩甘草二兩牡蠣二兩
龍骨二兩右四味為末以水五升煮取二升半
去滓溫服八合日三服○太陽病不解熱結膀胱

脫其人如狂、血自下、下者愈、其外不解者、尚未可攻、當先解外、外解已、但少腹急結者、乃可攻之、宜桃核承氣湯、桃核承氣湯方、桃仁五十箇、桂枝二兩、大黃四兩、芒硝二兩、甘草二兩、右五味、以水七升、煮取二升半、去滓、內芒硝、更上火、微沸、下火、「先食」溫服五合、日三服、當微利、○太陽病六七日、表證仍在、脈微而沉、反不結胸、其人發狂者、以熱在下焦、少腹當鞭滿、小便自利者、

下血乃愈、抵當湯主之、抵當湯方、水蛭三十箇、蟲三十箇、桃仁二十箇、大黃三兩、右四味、為末、以水五升、煮取二升、去滓、溫服一升、不下再服、○太陽病、身黃、脈沉結、少腹鞭、小便不利者、為無血也、小便自利、其人如狂者、血證諦也、○傷寒有熱、少腹滿、應小便不利、今反利者、為有血也、當下之、宜抵當丸、抵當丸方、水蛭二十箇、蟲二十箇、桃仁二十箇、大黃三兩、右四味、杵分為四丸、以水

一升煮一丸取七合服之。晡時當下血。若不下者更服。

辨太陽病脈證并治法下

太陽病脈浮而數頭痛發熱微盜汗出而反惡寒者表未解也。醫反下之數變遲。膈內拒痛短氣躁煩心中懊憹。心下因鞅則為結胸。大陷胸湯主之。若不結胸但頭汗出小便不利身必發黃也。大陷胸湯方。大黃六兩芒硝一升甘遂一

錢右共味以水六升先煮大黃取四升去滓內芒硝煮一兩沸內甘遂末溫服一升得快利止後服。○傷寒六七日結胸熱實脈沉而緊心下痛按之石鞅者大陷胸湯主之。○傷寒十餘日熱結在裏復往來寒熱者與大柴胡湯但頭微汗出者此為水結在胸脇也。但結胸無大熱者大陷胸湯主之。○太陽病重發汗而復下之不大便五六日舌上燥而渴日晡所小有潮熱從

心下至少腹、鞭滿而痛、不可近者、大陷胸湯主之。○小結胸病、正在心下、按之則痛、脉浮滑者、小陷胸湯主之。小陷胸湯方、黃連一兩半、夏半、栝蒌實大者一個、右三味、以水六升、先煮栝蒌、取三升、去滓、內諸藥、煮取二升、去滓、分溫三服。○寒實結胸、無熱證者、與三物小陷胸湯、白散亦可服。白散方、桔梗三分、芫花一分、貝母三分、右三味、為末、內芫豆、更於臼中杵之、以白飲和

錢下脫七

服、強入半錢、羸者減之、病在膈上、必吐、在膈下、必利、不利、進熱粥、利過不止、進冷粥、未益。○結胸證、其脉浮大者、不可下、下之則死。○結胸證悉具、煩躁者亦死。○結胸者、項亦強、如柔瘕狀、下之則和、宜大陷胸丸。大陷胸丸方、大黃半斤、葶藶半升、芫花半升、杏仁半升、右四味、擣篩二味、內杏仁、芫花、合研如脂、和散、取如彈丸一枚、別擣葶藶末一錢、白蜜二合、水二升、煮

取一升、溫頓服之、一宿乃下、如不下、更服、取下
為效、禁如藥法、○太陽與少陽併病、頭項強痛、
或眩暈、時如結胸、心下痞鞅者、慎不可發汗、○
婦人中風、發熱惡寒、經水適來、得之七八日、熱
除而脈遲、身涼、胸脇下滿、如結胸狀、讖語者、此
為熱入血室也、○婦人中風七八日、續得寒熱、
發作有時、經水適斷者、此為熱入血室、小柴胡
湯主之、○婦人傷寒、發熱、經水適來、晝日明了、

暮則讖語、如見鬼狀者、此為熱入血室、無犯胃
氣及上二焦、必自愈、○傷寒六七日、發熱微惡
寒、支節煩疼、微嘔、心下支結、外證未去者、柴胡
桂枝湯主之、柴胡桂枝湯方、桂枝半兩芍藥兩
黃芩半兩人參半兩生薑半兩柴胡四兩甘草
草一兩大棗六枚半夏二合右九味、以水七升、
煮取三升、去滓、溫服一升、○傷寒五六日、已發
汗、而復下之、胸脇滿微結、小使不利、渴而不嘔、

但頭汗出、往來寒熱、心煩者、此為未解也。柴胡桂枝乾薑湯主之。柴胡桂枝乾薑湯方。柴胡半斤、桂枝三兩、乾薑三兩、括蔞根四兩、黃芩三兩、牡蠣三兩、甘草二兩、右七味、以水一斗二升、煮取六升、去滓、再煎取三升、溫服一升、日三服、初服微煩、復服汗出、便愈。○傷寒五六日、嘔而發熱者、柴胡湯證具、而以他藥下之、柴胡證仍在者、復與柴胡湯、此雖已下之、不為逆、必蒸蒸而

振、卻發熱、汗出而解。若心下滿而鞭痛者、此為結胸也。大陷胸湯主之。但滿而不痛者、此為痞、柴胡不中與之。宜半夏瀉心湯。半夏瀉心湯方。半夏半升、黃芩三兩、乾薑三兩、人參三兩、黃連一兩、大棗十二枚、甘草三兩、右七味、以水一斗、煮取六升、去滓、再煎取三升、溫服一升、日三服。○心下痞、按之濡、其脈浮者、大黃黃連瀉心湯主之。大黃黃連瀉心湯方。大黃二兩、黃連一兩、右

附子一枚
以水一升
煮取
六合去滓
取汁用之

二味以麻沸湯二升漬之須臾絞去滓分溫再服。○心下痞而復惡寒汗出者附子瀉心湯主之。附子瀉心湯方。大黃二兩黃連一兩附子一枚右三味上二味以麻沸湯二升漬之須臾絞去滓內附子汁分溫三服。○心下痞與瀉心湯痞不解其人渴而口燥煩小便不利者五苓散主之。○傷寒大下後復發汗心下痞惡寒者表未解也不可攻痞當先解表表解乃可攻痞解

表宜桂枝湯攻痞宜大黃黃連瀉心湯。○傷寒汗出解之後胃中不和心下痞鞭乾噫食臭脇下有水氣腹中雷鳴下利者生薑瀉心湯主之。生薑瀉心湯方。生薑四兩甘草三兩人參三兩乾薑一兩黃芩三兩半夏半升黃連一兩大棗十二枚右八味以水一斗煮取六升去滓再煎取三升溫服一升日三服。○傷寒發汗若吐若下解後心下痞鞭噫氣不除者旋復代赭石湯主

之旋復代赭石湯方、旋復花三兩、人參三兩、生薑五兩、半夏半升、代赭石一兩、大棗十二枚、甘草三兩。右七味、以水一斗、煮取六升、去滓、再煎取三升、溫服一升、日三服。○傷寒中風、醫反下之、其人下利日數十行、穀不化、腹中雷鳴、心下痞鞭而滿、乾嘔心煩、不得安、醫見心下痞、謂病不盡、復下之、其痞益甚、此非結熱、但以胃中虛、客氣上逆、故使鞭也。甘草瀉心湯主之。甘草瀉

心湯方、甘草四兩、黃芩三兩、乾薑三兩、人參三兩、半夏半升、大棗十二枚、黃連二兩、右七味、以水一斗、煮取六升、去滓、再煎取三升、溫服一升、日三服。○傷寒、服湯藥、下利不止、心下痞鞭、服瀉心湯已、復以他藥下之、利不止、醫以理中與之、利益甚。赤石脂禹餘糧湯主之。赤石脂禹餘糧湯方、赤石脂一斤、禹餘糧一斤。右二味、以水六升、煮取二升、去滓、分溫再服。○太陽病、外證

微下脫淨字

未除而數下之、遂協熱而利、利下不止、心下痞、
鞭、表裏不解者、桂枝人參湯主之、桂枝人參湯
方、桂枝 四兩 甘草 四兩 白朮 三兩 人參 三兩 乾
薑 三兩 右五味、以水九升、先煮四味、取五升、內
桂、更煮取三升、去滓、溫服一升、日三服、○病如
桂枝證、頭不痛、項不強、脈微、胸中痞、鞭、氣上衝
咽喉、不得息者、此為胸有寒也、當吐之、宜瓜蒂
散、瓜蒂散方、瓜蒂 黃兩 赤小豆 黃兩 右二味、各

別擣篩為散、已合治之、取棗錢七、以香豉米合、
用熱湯七合者、作稀糜、去滓、取汁和散、溫頓服、
之不吐者、少少加、得快吐乃止、諸亡血虛家、不
可與瓜蒂散、○太陽中風、下利、嘔逆、表解者、乃
可攻之、其人熱、熱汗出、發作有時、頭痛、心下痞
鞭滿、引脇下痛、乾嘔、短氣、汗出不惡寒者、此表
解、裏未和也、十棗湯主之、十棗湯方、芫花 甘遂
大戟 大棗 十枚 右三味、等分、各別擣為散、以

水一升半、先煮大棗、取八合、去滓、內藥末、強人服一錢七、羸人服半錢、溫之、平旦服、若下少、病不除者、明日更服、加半錢、得快下利後、糜粥自養、○傷寒發熱、汗出不解、心下痞鞭、嘔吐而下利者、大柴胡湯主之、○太陽少陽併病、心下鞭、頸項強而眩者、慎勿下之、○太陽與少陽合病、自下利者、與黃芩湯、若嘔者、黃芩加半夏生薑湯主之、黃芩湯方、黃芩三兩、甘草二兩、芍藥二兩、

兩、大棗枚十二、右四味、以水一斗、煮取三升、去滓、溫服一升、日再夜三服、黃芩加半夏生薑湯方、於黃芩湯方中、加半夏半升、生薑三兩、餘如黃芩湯法、○傷寒胸中有熱、胃中有邪氣、腹中痛、欲嘔吐者、黃連湯主之、黃連湯方、黃連三兩、甘草三兩、乾薑三兩、桂枝三兩、人參二兩、半夏半升、大棗十二枚、右七味、以水一斗、煮取五升、去滓、溫服一升、日三服、夜二服、○傷寒若吐若下後、

脈浮下脫發熱二字

七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之。○傷寒無大熱口燥渴心煩背微惡寒者白虎加人參湯主之。○傷寒脈浮無汗其表不解者不可與白虎湯渴欲飲水無表證者白虎加人參湯主之。○傷寒八九日身體疼煩不能自轉側不嘔不渴脈浮虛而瀉者桂枝附子湯主之。若其人大便鞭小便自利者去桂枝加白

朮湯主之。桂枝附子湯方。桂枝四兩附子三枚生薑三兩甘草二兩大棗十二枚右五味以水六升煮取二升去滓分溫三服。去桂枝加白朮湯方。於桂枝附子湯方中去桂枝加白朮四兩餘如桂枝附子湯法。○骨節煩疼掣痛不得屈伸近之則痛劇汗出短氣小便不利惡風不欲去衣或身微腫者。甘草附子湯主之。甘草附子湯方。甘草二兩附子二枚白朮三兩桂枝四兩右

四味以水六升煮取三升去滓溫服一升日三服初服得微汗則解能食汗出復煩者服五合恐一升多者宜服六七合為妙傷寒脈浮滑此表有熱裏有寒白虎湯主之

辨陽明病脈證并治法

陽明之為病胃家實也夫實則讞語虛則鄭聲鄭聲重語也陽明中風口苦咽乾腹滿微喘發熱惡寒脈浮而緊若下之則腹滿小便難也

辨陽明病脈證并治法

傷寒嘔多雖有陽明證不可攻之陽明病心下鞭滿者不可攻之陽明病面合赤色不可攻之陽明病不吐不下心煩者可與調胃承氣湯陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然而汗出者此大便已鞭也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與

者下脫此有
燥屎乃可攻

小承氣湯微和胃氣勿令大泄下大承氣湯方
大黃四兩厚朴半斤枳實五枚芒硝三合右四
味以水一斗先煮二物取五升去滓內大黃煮
取二升去滓內芒硝更上火微一兩沸分溫再
服得下餘勿服○陽明病潮熱大便微鞣者可
與大承氣湯不鞣者不與之若不大便六七日
恐有燥屎欲知之法少與小承氣湯湯入腹中
轉矢氣者此但初頭鞣後必澹不可攻之攻之

之若不轉矣
氣者十四字

必脹滿不能食也欲飲水者與水則噦其後發
熱者必大便復鞣而少也以小承氣湯利之不
轉矢氣者慎不可攻也○陽明病脈遲汗出多
微惡寒者表未解也可發汗宜桂枝湯○陽明
病脈浮無汗而喘者發汗則愈宜麻黃湯○病
人煩熱汗出則解又如瘧狀日晡所發熱者屬
陽明也脈實者宜下之脈浮虛者宜發汗下之
與大承氣湯發汗宜桂枝湯○陽明病發熱汗

多者急下之宜大承氣湯○發汗不解腹滿痛者急下之宜大承氣湯○腹滿不減減不足言當下之宜大承氣湯○陽明病脈浮而遲表熱裏寒下利清穀者四逆湯主之○二陽併病太陽證罷但發潮熱手足絳絳汗出大便難而譫語者下之則愈宜大承氣湯○三陽合病腹滿身重難以轉側口不仁而面垢譫語遺尿發汗則譫語下之則額上生沫手足逆冷若自汗出

者白虎湯主之白虎湯方知母六兩石膏一斤甘草二兩粳米六合右四味以水一斗煮米熟湯成去滓溫服分日三服○陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反譫語若加燒鍼必怵惕煩躁不得眠若下之則胃中空虛客氣動膈心中懊憹舌上胎者梔子豉湯主之若渴欲飲水口乾舌燥者白虎加人參湯主之若脈

浮發熱渴欲飲水小便不利者猪苓湯主之猪
 苓湯方猪苓茯苓阿膠滑石澤瀉各一兩右五
 味以水四升先煮四味取二升去滓內阿膠烱
 消溫服七合日三服汗出多而渴者不可與猪
 苓湯○傷寒吐後腹脹滿者與調胃承氣湯○
 陽明少嘔合病必下利脉滑而數者有宿食也
 當下之宜大承氣湯○陽明病脇下鞅滿不大
 便而嘔舌上白胎者可與小柴胡湯○陽明病

發潮熱大便溏小便自可胸脇滿不去者小柴
 胡湯主之○陽明病下之其外有熱手足溫不
 結胸心中懊懣饑不能食但頭汗出者梔子豉
 湯主之○陽明病下之心中懊懣而煩胃中有
 燥屎者可攻腹微滿初頭鞅後必溏不可攻之
 若有燥屎者宜大承氣湯○病人不大便五六
 日繞臍痛煩躁發作有時者此有燥屎故使不
 大便也○大下之後六七日不大便煩不解腹

滿痛者此有燥屎也宜大承氣湯○陽明病其人汗多以津液外出胃中燥大便必鞅鞅則譫語小承氣湯主之若一服譫語止更莫復服○陽明病譫語發潮熱脈滑而疾者小承氣湯主之因與承氣湯一升腹中轉矢氣者更服一升若不轉矢氣勿更與之明日不大便脈反微澀者裏虛也為難治不可更與承氣湯也○陽明病譫語有潮熱反不能食者胃中必有燥屎五六枚也若能食者但鞭爾宜大承氣湯主之○傷寒四五日脈沉而喘滿瀉出譫語者以有燥屎在胃中也須下之宜大承氣湯○傷寒六七日目中不了了無表裏證大便難身微熱者此為實也急下之宜大承氣湯○得病二三日脈弱無太陽柴胡證煩躁心下鞭至四五日雖能食以小承氣湯少少與微和之令小安至六七日與承氣湯一升若不大便六七日小便少者

辨言傷寒論

雖不能食、但初頭鞭、後必溏、未定成鞭、攻之必溏、須小便利、屎定鞭、乃可攻之。○病人小便不利、大便乍難、乍易、時有微熱、喘冒不能卧者、有燥屎也、宜大承氣湯。○傷寒、若吐若下後、不解、不大便五六日、上至十餘日、日晡所發潮熱、不惡寒、獨語如見鬼狀、若劇者、發則不識人、循衣摸牀、惕而不安、微喘直視、脈弦者生、濇者死、微者、但發熱識語爾、大承氣湯主之、若一服利止

密汗多者、重發汗者、其陽識語、脈短者死、脈和者不死

須下脫自字

後服、直視識語、喘滿者死、下利者亦死。○陽明病、自汗出、若發汗、小便自利者、此為津液內竭、雖鞭不可攻之、當須欲大便、宜蜜煎導而通之、若土瓜根及與大猪膽汁、皆可為導、蜜煎導方、蜜七右合、味、內銅器中、微火煎之、稍疑似飴狀、擾之、勿令焦著、欲可丸、併手捻為挺、令頭銳、大如指、長二寸許、當熱時急作、冷則鞭、以內穀道中、以手急抱、欲大便時、乃去之、猪膽汁方、大猪

冊言傷寒論
三十一
膽一枚、瀉汁和醋少許、以灌穀道中、如一食頃、當大便出。○陽明病、本自汗出、醫更重發汗、病已差、尚微煩、不了了者、此大便必鞫故也。以亡津液、胃中乾燥、故令大便鞫、當問其小便、日幾行、若本小便日三四行、今日再行、故知大便不久出、今為小便數少、以津液當還入胃中、故知不久必大便也。○陽明病、下血、讖語者、此為熱入血室、但頭汗出者、濺然汗出則愈。○陽明病、

其人喜忘者、必有畜血、屎雖鞫、大便反易、其色必黑、宜抵當湯下之。○病人無表裏證、發熱七八日、雖脈浮數者、可下之、假令已下、脈數不解、合熱則消穀善饑、至六七日、不大便者、有瘀血、宜抵當湯。若脈數不解、而下不止、必協熱而便膿血也。○陽明病、發熱汗出、此為熱越、不能發黃也、但頭汗出、身無汗、小便不利、渴引水漿者、此為瘀熱在裏、身必發黃、茵陳蒿湯主之。茵陳

蒿湯方茵陳蒿六兩梔子十四枚大黃二兩右三
味以水一斗先煮茵陳減六升內二味煮取三
升去滓分溫三服○傷寒七八日身黃如橘子
色小便不利腹微滿者茵陳蒿湯主之○傷寒
身黃發熱者梔子蘘皮湯主之梔子蘘皮湯方
梔子五個甘草一兩黃蘘二兩右三味以水四
升煮取升半去滓分溫再服○傷寒寒濕在
裏身目為黃麻黃連軀赤小豆湯主之麻黃連

升下脫去滓
二字

軀赤小豆湯方麻黃二兩赤小豆一升連軀二
兩杏仁四升大棗十二枚生梓白皮一升生薑二
兩甘草一兩右八味以潦水一斗先煮麻黃
再沸去上沫內諸藥煮取三升分溫三服平日
服盡○傷寒發汗已身目為黃所以然者以寒
溼在裏不解故也以為不可下也
辨少陽病脉證并治法
少陽之為病口苦咽乾目眩也○少陽中風兩

耳無所聞、目赤、胸中滿而煩者、不可吐下。○傷寒、脈弦細、頭痛發熱者、屬少陽、少陽不可發汗。○本太陽病不解、脇下鞅滿、乾嘔不能食、往來寒熱、尚未吐下、脈沉緊者、與小柴胡湯。○傷寒六七日、無大熱、其人躁煩者、此為陽去入陰故也。○本草一兩、以水一斗、煮取五升、分三服。○辨太陰病、脈證并治法。○太陰之為病、腹滿而吐、食不下、時腹自痛、若下

之、必胸下結鞅、自利益甚。○自利不渴者、屬太陰、以其藏有寒故也。當溫之。○太陰病、脈浮者、可發汗、宜桂枝湯。○本太陽病、醫反下之、因爾腹滿、時痛者、屬太陰也。桂枝加芍藥湯主之。○大實痛者、桂枝加大黃湯主之。桂枝加芍藥湯方、於桂枝湯方中、加芍藥三兩、餘如桂枝湯法。桂枝加大黃湯方、於桂枝加芍藥湯方中、加大黃一兩、餘如桂枝湯法。

辨少陰病脈證并治法

少陰之為病、脈微細、但欲寐也。○少陰病、欲吐、不吐、心煩、但欲寐、五六日、自利而渴者、屬少陰也。若小便色白者、少陰病形悉具。○病人脈陰陽俱緊、反汗出者、亡陽也。此屬少陰、法當咽痛而復吐利。○少陰病、欬而下利、譫語者、被火氣劫故也。小便必難、以強責少陰汗也。○少陰病、但厥無汗、而強發之、必動其血、未知從何道出。

或從口鼻、或從目出、為難治。○少陰病、脈細沉、數、病為在裏、不可發汗。○少陰病、脈微、不可發汗。○少陰病、始得之、反發熱、脈沉者、麻黃附子細辛湯主之。麻黃附子細辛湯方：麻黃二兩、細辛二兩、附子一枚、右三味、以水一斗、先煮麻黃、減二升、去上沫、內諸藥、煮取三升、去滓、溫服一升、日三服。○少陰病、得之二三日、麻黃附子甘草湯微發汗、以二三日無裏證、故微發汗也。麻

黃附子甘草湯方麻黃二兩甘草二兩附子一枚右三味以水七升先煮麻黃一兩沸去上沫內諸藥煮取三升去滓溫服一升日三服○少陰病得之一二日口中和其背惡寒者附子湯主之附子湯方附子二枚茯苓三兩芍藥三兩白朮四兩人參二兩右五味以水八升煮取三升去滓溫服一升日三服○少陰病身體痛手足寒骨節痛脈沉者附子湯主之○少陰病二

三日咽痛者可與甘草湯不差者與桔梗湯甘草湯方甘草二兩右一味以水三升煮取一升半去滓溫服七合日再服桔梗湯方桔梗一兩甘草二兩右二味以水三升煮取一升去滓分溫再服○少陰病咽中痛半夏散及湯主之半夏散及湯方半夏桂枝甘草右三味等分各別擣篩已合治之白飲和服方寸匕日三服若不能服散者以水一升煎七沸內散兩方寸匕

子上脫白字

令上脫內雞子白四字

德孝謹案苦

酒湯方據宋

板細註雞子

下舊當有白

字下據黃連

阿膠湯例今

三沸上當有

內雞子白四

字乃義始見

明白因今補

之

更煮三沸下火令小冷少少嚥之。少陰病咽

中傷生瘡不能語言聲不出者苦酒湯主之。苦

酒湯方半夏枚十四雞子一枚右二味內半夏著

苦酒中以雞子殼置刀鏤中安火上令三沸去

滓少少含嚥之不差更作三劑。少陰病得之

二三日以上心中煩不得卧者黃連阿膠湯主

之黃連阿膠湯方黃連四兩黃芩二兩芍藥二

兩雞子黃二枚阿膠三兩右五味以水五升先

煮三物取三升去滓內膠烱盡小冷內雞子黃

攪令相得溫服七合日三服。少陰病二三日

不已至四五日腹痛小便不利四肢沉重疼痛

自下利者此為有水氣其人或欬或小便利或

不下利或嘔者真武湯主之。少陰病二三日

至四五日腹痛小便不利下利不止便膿血者

桃花湯主之。少陰病下利便膿血者桃花湯

主之桃花湯方赤石脂一斤乾薑二兩粳米合

即自因令
定以藥成日
內附于白四
三煎法當有
阿膠真何令

升右三味以水七升煮米令熟去滓分溫七合
內赤石脂末方寸七日三服若一服愈餘勿服
少陰病下利咽痛胸滿心煩者猪膚湯主之
猪膚湯方猪膚一斤右一味以水一斗煮取五
升去滓加白蜜一升白粉五合熬香和相得分
溫六服少陰病下利白通湯主之白通湯方
葱白四莖乾薑一兩附子一枚右三味以水三
升煮取一升去滓分溫再服少陰病下利脉

微者與白通湯利不止厥逆無脉乾嘔煩者白
通加猪膽汁湯主之服湯脉暴出者死微續者
生白通加猪膽汁湯方葱白四莖乾薑一兩附
子一枚人尿五合猪膽汁一合右三味以水
三升煮取一升去滓內膽汁人尿和令相得分
溫再服少陰病下利清穀裏寒外熱手足厥
逆脉微欲絕身反不惡寒其人或面赤色或腹
痛或乾嘔或咽痛或利止脉不出者通脉四逆

湯主之通脉四逆湯方甘草二兩大附子一枚
 乾薑三兩右三味以水三升煮取一升二合去
 滓分温再服其脉即出者愈○少陰病吐利手
 足厥冷煩躁欲死者吳茱萸湯主之○少陰病
 吐利躁煩四逆者死○少陰病下利止而頭眩
 時時自冒者死○少陰病四逆惡寒而踈脉不
 至不煩而躁者死○少陰病六七日息高者死
 ○少陰病脉微細沉但欲卧汗出不煩自欲吐

而下脫身

至五六日自利復煩躁不得卧寐者死○少陰
 負跌陽者為順也○少陰病脉緊至七八日自
 下利脉暴微手足反温脉緊反去者為欲解也
 雖煩下利必自愈○少陰病八九日身手足
 盡熱者以熱在膀胱必便血也○少陰病四逆
 其人或欬或悸或小便不利或腹中痛或泄利
 下重者四逆散主之四逆散方柴胡枳實芍藥
 甘草各十分各等分梔子白飲和服方寸七日

三服。○少陰病下利六七日，欬而嘔渴，心煩不得眠者，猪苓湯主之。○少陰病得之二三日，口乾咽燥者，急下之。宜大承氣湯。○少陰病自利清水，色純青，心下必痛，口乾燥者，急下之。宜大承氣湯。○少陰病六七日，腹脹不大便者，急下之。宜大承氣湯。○少陰病脈沉者，急溫之。宜四逆湯。○少陰病飲食入口則吐，心中溫溫欲吐，復不能吐，始得之，手足寒，脈弦遲者，此胸中實。

不可下也。當吐之。若膈上有寒飲，乾嘔者，不可吐也。急溫之。宜四逆湯。○少陰病下利，脈微澀，嘔而汗出，必數更衣，反少者，當溫其上，灸之。辨厥陰病脈證并治法。厥陰之為病，消渴，氣上撞心，心中疼熱，饑而不欲食，食則吐衄，下之利不止。○傷寒四五日，腹中痛，若轉氣下趣少腹者，此欲自利也。○大汗若大下利而厥冷者，四逆湯主之。○大汗出，熱

傷寒二日至四五日而嘔者，必發熱，前熱者後必厥，厥深者熱亦深，厥微者熱亦微，厥應下之，而反發汗者，必口傷爛赤。

冊言... 四一四
不去、內拘急、四肢痛、又下利、厥逆、而惡寒者、四逆湯主之。○下利、腹脹滿、身體疼痛者、先溫其裏、乃攻其表、溫裏四逆湯、攻表桂枝湯。○下利、清穀、裏寒外熱、汗出而厥者、通脈四逆湯主之。○熱利、下重者、白頭翁湯主之。白頭翁湯方、白頭翁 三兩、黃連 三兩、黃蘗 三兩、秦皮 三兩、右四味、以水七升、煮取二升、去滓、溫服一升、不愈更服一升。下利、欲飲水者、以有熱故也。○下利、膿

語者、有燥屎也、宜小承氣湯。○下利、有微熱而渴、脈弱者、令自愈。○下利、脈數、有微熱、汗出者、令自愈。○下利、脈數而渴者、令自愈。設不差、必清膿血、以有熱故也。○傷寒、下利、日十餘行、脈反實者死。○傷寒、六七日、脈微、手足厥冷、煩躁、灸厥陰、厥不還者死。○傷寒、六七日、不利、便發熱而利、其人汗出不止者死。○傷寒、發熱、下利、厥逆、躁不得卧者死。○傷寒、發熱、下利、至甚、厥

不止者死。○傷寒五六日，不結胸，腹濡，脈虛，復厥者，不可下，此為亡血，下之則死。○下利，手足厥冷，無脈者，灸之不溫，若脈不還，反微喘者，死。○下利後，脈絕，手足厥冷，晬時脈還，手足溫者，生；脈不還者，死。○下利後，更煩，按之心下濡者，為虛煩也，宜梔子豉湯。○傷寒，脈微而厥，至七八日，膚冷，其人躁，無暫安時者，此為藏厥，非蚘厥也。蚘厥者，其人當吐蚘，令病者靜而復時煩。

此為藏寒，蚘上入膈，故煩，須臾復止，得食而嘔，又煩者，蚘聞食臭出，其人當自吐蚘。蚘厥者，烏梅圓主之。烏梅圓方，烏梅三百個，細辛六兩，黃連一觔，當歸四兩，附子六兩，蜀椒四兩，乾薑十兩，桂枝六兩，人參六兩，黃蘗六兩，右十味，異擣篩，合治之，以苦酒漬烏梅一宿，去核，蒸之，五升米下，飯熟，擣成泥，和藥令相得，內臼中，與蜜杵二千下，圓如梧桐子大，先食飲服十圓，日三服，稍

加至二十圓、禁生冷滑物臭食等。○傷寒、厥而
 心下悸者、當服茯苓甘草湯。○手足厥寒、脈細
 欲絕者、當歸四逆湯主之。當歸四逆湯方、當歸
 三兩、桂枝三兩、芍藥三兩、細辛二兩、大棗十五
 枚、甘草二兩、通草二兩、右七味、以水八升、煮取三
 升、去滓、溫服一升、日三服。若其人內有久寒者、
 宜當歸四逆加吳茱萸生薑湯主之。當歸四逆
 加吳茱萸生薑湯方、於當歸四逆湯方中、加吳

茱萸二升、生薑半斤、右九味、以水六升、清酒六
 升、和、煮取五升、去滓、分溫五服。○傷寒、脈滑而
 厥者、裏有熱也、白虎湯主之。○傷寒、熱少厥微、
 指頭寒、默默不欲食、煩躁數日、小便利、色白者、
 此熱除也、欲得食、其病為愈。若厥而嘔、胸脇煩
 滿者、其後必便血。○病者、手足厥冷、言我不結
 胸、少腹滿、按之痛者、此為冷結在膀胱也。○病
 人、手足厥冷、脈乍緊者、邪結在胸中、心中滿而

煩饑不能食者病在胸中當須吐之宜瓜蒂散
○傷寒本自寒下醫復吐下之更逆吐下若食
入口即吐者乾薑黃連黃芩人參湯主之乾薑
黃連黃芩人參湯方乾薑三兩黃連三兩黃芩
三兩人參三兩右四味以水六升煮取二升去
滓分溫再服○嘔而脈弱小便復利身有微熱
見厥者難治四逆湯主之○嘔而發熱者小柴
胡湯主之○乾嘔吐涎沫頭痛者吳茱萸湯主

之○吐利頭痛發熱身疼痛熱多欲飲水者五
苓散主之寒多不用水者理中丸主之理中丸
方人參三兩甘草三兩白朮三兩乾薑三兩右
四味檮篩爲末蜜和丸如雞黃大以沸湯數合
和一丸研碎溫服之日三服夜二服腹中未熱
益至三四丸然不及湯湯法以四物依兩數切
用水八升煮取三升去滓溫服一升日三服服
湯後如食頃飲熱粥一升許微自溫勿發揭衣

冊言傷寒論
被吐利止而身痛不休者宜桂枝湯。○吐利止而惡寒脈微而復利利止亡血也。四逆加人參湯主之。四逆加人參湯方。於四逆湯方中加人參一兩餘。如四逆湯法。○吐利汗出發熱惡寒四肢拘急手足厥冷者。四逆湯主之。○既吐且利小便復利而大汗出下利清穀內寒外熱脈微欲絕者。四逆湯主之。○吐已下斷汗出而厥四肢拘急不解脈微欲絕者。通脈四逆加豬膽

汁湯主之。通脈四逆加豬膽汁湯方。於通脈四逆湯方中加豬膽汁半合。餘如通脈四逆湯法。○吐下發汗後脈平小煩者以新虛不勝穀氣故也。○傷寒差後更發熱者小柴胡湯主之。○大病差後從腰以下有水氣者牡蠣澤瀉散主之。牡蠣澤瀉散方。牡蠣澤瀉括萋根蜀漆葶藶商陸根海藻右七味等分各異擣下篩為散更入臼中治之白飲和服方寸匕日三服小便利。

止後服。○大病差後喜唾久不了了者胃上有
 寒當以丸藥溫之宜理中丸。○傷寒解後虛羸
 少氣氣逆欲吐者竹葉石膏湯主之。竹葉石膏
 湯方。竹葉 四兩 石膏 一觔 半夏 半升 人參 三兩
 甘草 二兩 粳米 半升 麥門冬 十升 右七味以水
 一斗煮取六升去滓內粳米煮米熟湯成去米
 溫服六升日三服。○
 竹葉石膏湯方。竹葉 四兩 石膏 一觔 半夏 半升 人參 三兩 甘草 二兩 粳米 半升 麥門冬 十升 右七味以水一斗煮取六升去滓內粳米煮米熟湯成去米溫服六升日三服。

寬政辛

酉春二

月刻成



每部有圖
 章四方雲
 顧君子須
 認此為真

京師書林

山本長兵衛

權兵衛

風月莊左衛門

出雲寺文治郎

實效率

日陰治

